



EBAZPENA, 2011ko otsailaren 28koa, Hezkuntza, Unibertsitate eta Ikerketa Saileko Langileria Kudeatzeko Zuzendariarena. Honen bidez, zerbitzu-eginkizunak eta lanaldi murrizketak arautzen dira 2010-2011 ikasturterako ohiko irakaslanak betetzeko zailtasun handiak eragiten dituzten gaixotasun larriak dituzten unibertsitateaz kanpoko irakasleen kidegoetako funtzionarioentzat.

Lanpostuak betetzeko aparteko eratzat taxutu dute zerbitzu-eginkizuna Euskal Funtzio Publikoari buruzko uztailaren 6ko 6/1989 Legearen 54. artikulua —azaroaren 7ko 16/1997 Legeak aldatu zuen lege hori— eta uztailaren 16ko 185/2010 Dekretuaren 12. artikulua (Euskal Autonomia Erkidegoko unibertsitateaz kanpoko lan-baldintzak arautzen dituen hitzarmena arautzeko Dekretua).

Bestalde, Euskal Autonomia Erkidegoko unibertsitatez kanpoko irakasle funtzionarioen lan-baldintzak arautzen dituen hitzarmenak, uztailaren 16ko 185/2010 Dekretuz onartuak, bere 61. artikuluko bosgarren eta seigarren paragrafoetan aurreikusten denez, osasun arazo larriak izan eta ohiko irakaslanak behar bezala bete ezin dezaketen irakasleak eskola orduen 2/3eko murrizketaz baliatu ahal izango dira, gehienez ere bi urtean

Beraz, hezkuntza-sistemaren ezaugarriak kontuan hartuta, haren kontingentzia barne, zerbitzu-eginkizun/lanaldi murrizketak emateko prozedura arautu behar du urtero Hezkuntza, Unibertsitate eta Ikerketa Sailak; era berean, definitu egin behar du zein kasutan eman behar dituen zerbitzu-eginkizun/lanaldi murrizketak eta zertarako sortu diren, helburu horietatik desbideratu ez daitezten.

Ondorioz, Hezkuntza, Unibertsitate eta Ikerketa Sailaren egitura organikoa ezartzen duen irailaren 14ko 233/2010 Dekretuaren 10. artikulua xedatutakoa kontuan izanik, honako hau

EBATZI DUT:

Lehenengoa.— Erregulazio honen xedea da 2011/2012 ikasturtean zerbitzu-eginkizunak emateko baimenak ematea Euskal Autonomia Erkidegoko unibertsitatez kanpoko herri-ikastetxeetan lanean ari diren unibertsitatez kanpoko irakasleen kidegoetako karrerako funtzionarioei, lanpostua duten ikastetxeaz bestelakoan zerbitzuak eman ditzaten, betiere eskatutako destino-ikastetxea Euskal Autonomia Erkidegokoa bada. Salbuespen gisa, osasun-arrazoien ondorioz irakasle horiei zerbitzu-eginkizunetarako baimena eman dakieke, irakaskuntzaz besteko eginkizunak betetzeko, gehienez bi urtean.

Era berean, prozedura bera aurreikusi da, osasun arazo larriak izan eta ohiko irakaslanak behar bezala bete ezin dezaketenean bitarteko irakasleei eskola-orduen 1/3eko murrizketa baimentzeko gehienez bi urtean, baldin eta ikasturte osoko lanpostuak betetzen ari badira.

Bigarrena.— Eremu subjektiboa.

Deialdi honetan Euskal Autonomia Erkidegoko unibertsitatez kanpoko irakasleen kidegoetako funtzionarioek parte hartu ahal izango dute, alegia, lehenengo artikuluan aipatzen diren funtzionarioek. Horretarako, eskabideak aurkezteko epea amaitzen denean baldintza hauek bete behar dituzte:

1.— Jarduneko zerbitzu-egoeran izatea, Euskal Herri Administrazioetako funtzionarioen administrazio-egoerei buruzko araudia onartzen duen abenduaren 11ko 339/2001 Dekretuaren 3. artikulua ezarritakoaren arabera.

2.— Behin-behineko edo behin betiko destinoa izatea Euskal Autonomia Erkidegoko unibertsitatez kanpoko ikastetxe publikoetan.

3.— Deialdi honetan zerbitzu-eginkizuna eskatuz gero, 2011/2012 ikasturterako beste zerbitzu-eginkizunik emanda ez izatea. Ikasturte horretarako beste zerbitzu-eginkizunik lortuz gero, bi lanpostuetako bat emango da, hezkuntza-sistemaren premiak kontuan hartuta.

4.—Salbuespen gisa, praktiketako funtzionarioek deialdi honetan parte hartu ahal izango dute. Hala eta guztiez ere, eskaeraren onarpena baldintzatuta egongo da 2011/2012 ikasturtean karrerako funtzionario izaeraz jabetzera.

Hirugarrena.— Eremu objektiboa.

1.— Deialdi honetan aurreikusitako zerbitzu-eginkizunak emateko arrazoi izango dira egoera hauek:

1.1.— Zerbitzua kontuan hartuta: irakaskuntza hutsezko arrazoiak.

1.2.— Egoera pertsonal bereziak kontuan hartuta:

a) Tokiko korporazioetan hautatutako kargu ordaindu gabeak betetzea.

b) Osasunari dagokionez, eskatzaileak berak gaixotasun larria izatea, gaixotasunak zerbitzu-eginkizuna bidezko edo beharrezko egiten badu.

c) Salbuespen gisa, zerbitzu-eginkizuna emateko aukera dago honako kasu honetan: eskatzailearekin bizi den ahaideren batek —gorako edo beherako lerro zuzeneko lehen graduko ahaidea, hain zuzen—, edo senar-emazteak edo bikotekide iraunkorrak —behar bezala egiaztatutakoak—

gaixotasun larria izatea, eta eskatzailearen laguntza behar izatea. Ondorio horietarako kontuan hartuko da irakasleak destinoa izatea ohiko etxebizitzatik gertu.

Honako zerbitzu-eginkizun hauek geratuko dira deialdi honetatik kanpo: Ikuskaritzan, Iralen, Ikerketako eta Irakaskuntzari laguntzeko lanpostuetan zerbitzuak ematekoak, eta berariazko deialdiz arautzen diren beste guztiak.

2. Halako 1/3ko lanaldi murrizketa hori emango zaie ikasturte osoko lanpostuak betetzen ari diren karrerako eta bitarteko irakasleei, baldin eta osasun arazo larriak izan eta ohiko irakaslanak behar bezala bete ezin badituzte. Izan ere, horixe ezartzen dute Euskal Autonomia Erkidegoko unibertsitateaz kanpoko irakasle funtzionarioen lan-baldintzak arautzen dituen hitzarmenaren 61.5 eta 61.6 artikuluek. Murrizketak bi urte iraungo du, gehienez ere.

Laugarrena.- Eskaera.

1.- Horretarako prestatutako eredian oinarritutako eskabidea aurkeztu beharko dute interesdunek. Eredua, berriz, <http://www.hezkuntza.ejgv.euskadi.net/r43-2816/eu> web orrian edo Hezkuntzako lurralde-ordezkaritzetan eskuratu hal izango dute.

Eskabide horiek Hezkuntzako lurralde-ordezkaritzetan aurkez daitezke, baita urtarrilaren 13ko 4/1999 Legeak aldatu duen Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 38. artikuluan adierazitako zentroetako edozeinetan ere.

2.- Eskabideak aurkezteko epea 10 egunekoa izango da, deialdi hau <http://www.hezkuntza.ejgv.euskadi.net/r43-2816/eu> orrian argitaratu eta hurrengo egunetik aurrera.

3.- 2011ko maiatzaren 31ra arte (egun hori ere barne) baino ez da onartuko deialdi honetan parte hartzeari edo emandako zerbitzu-eginkizunari uko egitea.

Bosgarrena.- Ebazpena.

1.- Langileria Kudeatzeko zuzendariak ebatziko ditu zerbitzu-eginkizun/lanaldi-murrizketa guztiak, eta honako hauek izango dira proposamena egingo duen balorazio-batzordeko kideak:

- Langileriaren Kudeaketa arduraduna, batzordeburu arituko baita.
- Saileko Zerbitzu Medikoko arduraduna, eta, egokitzen jotzen badu, dagokion lurraldeko mediku-arduradunen laguntza eduki ahal izango du.

- Dagokion lurralde-ordezkaritzako Langileriaren burua.
- Hezkuntzako lurralde-ordezkarria edo haren ordezkoa.
- Euskal Autonomia Erkidegoko unibertsitatez kanpoko herri-irakaskuntzako eremuan ordezkariak duten sindikatu bakoitzeko ordezkari bana.
- Langileria Kudeatzeko Zuzendaritzako teknikari bat, idazkari arituko baita.

2.- Hezkuntzako lurralde-ordezkaritzek balorazio-batzordeari igorriko diote dagokion Ikuskaritzaren txostena, zerbitzu-arrazoiak direla-eta eskatutako zerbitzu-eginkizunak edo 1/3ko lanaldi-murrizketak direnean, baita zerbitzu medikoen txostena ere, osasun-arrazoiengatik eskatutako zerbitzu-eginkizunak izanez gero.

3. Balorazio-batzordeak baloratu ahal izango du, hala balegokio, zerbitzu-eginkizunen bateko esleipendunek Hezkuntza, Unibertsitate eta Ikerketa sailburuak urtero iragartzen dituen lekualdatze-lehiaketetan parte hartu duten.

4.- Langileria Kudeatzeko zuzendariaren Ebazpena Hezkuntzako <http://www.hezkuntza.ejgv.euskadi.net/r43-2816/eu> orrian argitaratuko da.

5.- Aurreko artikuluan ezarritako epea gorabehera, premia berririk sortuz gero, beste zerbitzu-eginkizun/lanaldi murrizketa batzuk ere eman ahal izango dira salbuespen gisa, ebazpen honetan aurreikusitako arauari jarraiki.

Seigarrena.- Araubidea.

Deialdi honen babesean emandako zerbitzu-eginkizunek /lanaldi-murrizketak 2010/2011 ikasturtea izango dute iraunaldi.

Nolanahi ere, behin betiko jabeek jatorrizko lanpostuari eutsiko diote.

Bitarteko irakasleek lanaldia murrizteko baimena izateko, derrigorrezkoa izango da 2010/2011 ikasturtean urte osoko lanpostua lortzea.

Prebentzioko Zerbitzuak onartutako osasun-arrazoien ondoriozko zerbitzu-eginkizunaren edo lan murrizketaren jarraipena berekin izango du.

Deialdi honetatik aurrera, eta irakasle-lana eragozten duten osasun-arazo larriak direla-eta gorako errekurtsioa jarri ostean, salbuespen modura erabakitzen bada irakasle-lanak ez beste batzuk egiteko zerbitzu-eginkizuna ematea edo irakastorduak heren batean murriztea, deialdi honetan finkatutako urte biko epea igaro eta gero Prebentzio Zerbitzuak egingo ditu

jarraipen-lanak eta Hezkuntza Ikuskaritzari eskatu egingo zaio txostena egiteko; dena den, txosten hori ez da toleslea izango.

Zazpigarrena.- Errekurtsiak.

Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen (urtarrilaren 13ko 4/1999 Legeak aldatutakoa) 114. eta hurrengo artikuluetan xedatutakoaren arabera, ebazpen honen aurka gorako errekurtsioa aurkeztu ahal izango zaio Administrazio eta Zerbitzuen sailburuordeari; hilabeteko epea izango da horretarako, ebazpena jakinarazi eta hurrengo egunetik kontatzen hasita.

Vitoria-Gasteiz, 2011ko otsailaren 28a

LANGILERIA KUDEATZEKO ZUZENDARIA
JUAN MANUEL ARAMENDI ARTEAGA